

冷墨几笺孤作赋 丹心千里独寻诗



浣溪沙·下仓赏荷

塘满圆盘绿影重,天仙举伞掩娇容。
淡香缕缕逐南风。
质有清廉芳谱著,心怀忠直世人崇。
荷芭如笔写情浓。

(市区 虞克有)

夏日闲吟

淫雨随波逝,如焚仲夏临。
池荷隐蛙鼓,岸柳噪蝉吟。
风燥岚浮岫,炎蒸汗湿襟。
凉飈何处有,仄径向江浔。

(市区 傅祖民)

入住听舟木屋

仙界霞开一本书,未知景物昔何如。
浮烟笼翠濡修竹,卧榻听舟宜客居。
遐辨分明苔色老,欣观浩渺我来初。
花香墨醉龙门地,闲看晴云自卷舒。

(市区 叶爱莲)

一剪梅·并蒂莲

自古双葩涵瑞祥,超然脱俗,漾溢馨香。
横塘碧野伞高擎,风送阴凉,水底鱼翔。
清绝芳新寓意长,蒂结莲枝,爱沐鸳鸯。
缠绵绰约众人观,皓首相牵,共舞霓裳。

(市区 叶锡华)

作客岭根村

风柔田野秀,相约踏春行。
村舍澄溪绕,烟岚黛岭横。
珍馐酬友穆,琴韵振金声,
未尽诗心葆,吟笺寄晚情。

(市区 柳江萍)

相见欢·与闺蜜游白云山古道

新篁老树摇风,互叮咛。古道凌空天路碧盈盈。
雀鸣翠,人半醉,玉梯平。误入仙宫侠胆踏歌行。

(市区 刘雪莲)

诗书情梦

何时清夜读书迟,不问秋寒霜满枝。
冷墨几笺孤作赋,丹心千里独寻诗。
吟成沧海云天晓,报与青山风月知。
饱蘸韶光人已瘦,迎来八秩梦如痴。

(市区 章康福)

滩下村拾吟

昔日瓯江古埠头,今朝貌改遍洋楼。
依山林掩离尘远,傍水风吹透岸幽。
板栗千家谈致富,茶园百亩话丰收。
湖波荡处诚如画,最忆从前夜泊舟!

(云和 钱小林)

临江仙·诗画处州

养在深闺人未识,峰高路远云封。天然胜概画图中。
四时生态绿,千寨党旗红。
改革新雷醒大地,老区喜沐春风。瓯江掀浪势汹汹。
山川披锦绣,古邑焕芳容。
(云和 傅瑜)

少年游·登梯田

清风送我上云间,满目靓光妍。层层叠叠,条条曲线,交错绣银边。
青山四面娇阳暖,流水细涓涓。天车腾空,绿肥红瘦,驾雾似神仙。

(云和 章焕如)

八一吟怀

年轻塞北去当兵,从此终生未了情。
衣着背包春草绿,铁撬羊镐雪花莹。
军营追梦无遗憾,诗海书田不辍耕。
耳畔时常吹号角,钢枪在手月光明。

(云和 陈水根)

炉峰瀑布

飞流千尺下炉峰,奇峡深深舞玉龙。
近听雷声远看势,天书壮美韵无穷。

(青田 李清葆)

下庄农业基地

长风带月绣新图,沃土堆金又孕珠。
庄里神农追绮梦,同心拓业道相符。

(青田 周子惠)

翻香令·双夏

三更鸡叫起凉床,抢收抢种老农忙。
镰刀割,秧苗插,颗粒归、汗水透衣裳。
夕阳虽下日还光。好乘凉意夜耕桑。事如昨,常常想,永难忘、辛苦我亲尝。

(青田 邱祝斌)

游丽水南明湖公园

山围四面抱南湖,湍瀑泉飞可悦愉。
石塔撑天参浩渺,少微有术解玄乎,
一帘竹色添诗韵,数处鱼波入画图。
不忘初心仍健笔,了然尘事总归无。

(青田 金冠军)

游蜜蜂谷

满目林山绿翠微,朝辉夕照彩霞飞。
坐听蜂语哼诗句,字字诵扬花草菲。

(龙泉 朱金兴)

柘坑风光

乡邻近里话桑麻,碧水源亲通世家。
举目春风吹解带,朝烟竹笋满山涯。

(龙泉 张平)

汤沐园森林温泉

参天古木占天时,梦里瑶池醉里诗。
洗却心中烦恼事,嫣然一笑乐滋滋。

(遂昌 蓝贤寿)

三井村一角

茶壶一把唤佳宾,碧水清清涤垢尘。
银杏树间鲜氧品,莺飞蝶舞逗君频。

(遂昌 许琳)

户九胜蟠桃

云端户九最宜居,气爽泉甘养众躯。
胜采蟠桃来益寿,仙翁咧嘴捋长须。

(缙云 吕丰平)

户九采风有记

村路弯弯十六盘,荻花迎我上云端。
泥墙焕彩三冬暖,枫木浓荫六月寒。
史迹斑斑成巷说,乡愁满满耐人看。
堪嘉农旅大融合,地借东风摘桂冠。

(缙云 陈葛钦)

风展红旗如画

极目京华难自禁,九霄旭日拥长林。
红旗又飏碧空上,不变独唯中国心。

(庆元 姚传标)

[中宫·塞鸿秋]观荷

廊桥瀑布飞云住,兰香密影随阳沐,抖音自照观荷处,倚亭清噪吟诗赋。
莲头蹲翠鸟,水下惊苍鹭。捕捉佳景桑榆暮。

(庆元 彭荣根)

贺全球农业文化遗产大会

久慕农田稻鲤香,经营立体技高强。
鱼肥穗稔丰收景,万户千家奔小康。

(景宁 叶明德)

梧桐游步道

盛夏芸芸草,薰风拂柳绦。
乘凉声攘攘,避暑盼朝朝。
正午阳光烈,黄昏云彩高。
吟诗抒美景,邀月共逍遥。

(景宁 徐玉梅)

咏荷

六月荷丛傍暑生,红鲜粉腻几娇盈。
花承晓露山光灿,叶滤浮尘水色清。
梦笔书天星欲启,罗裙照影月徊明。
幽怀解得湘君意,笑靥无邪貌自倾。

(景宁 蓝明法)